

|            |                            |             |                     |
|------------|----------------------------|-------------|---------------------|
| Headline   | Maju industri herba negara |             |                     |
| MediaTitle | Harian Metro               |             |                     |
| Date       | 18 Mar 2014                | Color       | Full Color          |
| Section    | Variasi                    | Circulation | 407,786             |
| Page No    | V6                         | Readership  | 3,351,000           |
| Language   | Malay                      | ArticleSize | 793 cm <sup>2</sup> |
| Journalist | Mohd Sabran Md Sani        | AdValue     | RM 29,175           |
| Frequency  | Daily                      | PR Value    | RM 87,525           |



# Maju industri herba negara

**FRIM anjur pameran tarik orang ramai mengamalkan pemakanan herba dan gaya hidup sihat**

Oleh Mohd Sabran Md Sani

sab@mediaprima.com.my

Gambar lhsan Institut

**I**nstitut Penyelidikan Perhutanan Malaysia (FRIM) buat julung kalinya menganjurkan Pameran Herba Malaysia 2014 (PHM 2014) di Pusat Dagangan Dunia Putra (PWTC) bermula 23 hingga 24 Mei ini.

Pameran dua hari bertemakan 'Herba dan Pengetahuan Tradisi: Khazanah Negara' adalah usaha berterusan institut itu memajukan industri herba negara.

Ia sekali gus menghimpunkan penggiat, pakar, penyelidik herba serta amalan dan kegiatan penggunaan herba daripada perspektif pengetahuan tradisi khususnya di bawah satu bumbung.

Sebanyak 75 unit pameran disediakan untuk pengusaha dan penggiat industri herba.

Pelbagai aktiviti menarik diadakan untuk pengunjung termasuk demonstrasi masakan oleh chef selebriti dan primadona filem Melayu era 70-an dan 80-an yang mengisi slot.

Tujuannya untuk menarik orang ramai mengamalkan pemakanan herba dan gaya hidup sihat.

Serentak dengan pameran ini turut diadakan Seminar Pemuliharaan dan Pemerksaan dan Pengetahuan Tradisi dengan tema 'Melestari Pengetahuan Tradisi'.

FRIM menyasarkan 3,000 pengunjung sehari sepanjang pameran itu berlangsung.

Selain itu terdapat aktiviti jualan bahan mentah dan produk berasaskan herba serta pembentangan

mengenai isu yang berkaitan dengan herba.

Ketua Pengarah FRIM, Datuk Dr Abd Latif Mohmod berkata industri herba dikenal pasti sebagai industri yang berpotensi menjana ekonomi negara terkandung dalam pelan Bidang Ekonomi Utama Negara (NKEA) Pertanian.

"Berdasarkan program ini, penyelidikan dan pembangunan (R&D) yang menyeluruh dalam aspek pengeluaran dan pembangunan produk yang berefikasi, selamat serta berkualiti perlu diberi penekanan.

"Ini akan memperkasa kualiti produk herba dan farmaseutikal dalam usaha menembusi pasaran global," katanya dalam ucapan ketika prapelancongan Pameran Herba Malaysia 2014 di sebuah hotel Jalan Ampang di sini, baru-baru ini.

Hadir sama, Ketua Setiausaha Kementerian Sumber Asli dan Alam Sekitar, Datuk Seri Zoal Azha Yusof.

Beliau berkata, FRIM adalah salah satu institusi penyelidikan yang terunggul dalam bidang penyelidikan perhutanan dan sumber semula jadi di Malaysia.

"Salah satu elemen penting dalam penyelidikan perhutanan yang diberi penekanan oleh FRIM adalah penerokaan Pengetahuan Tradisi atau TK.

"Kepelbagaian kumpulan etnik yang terdapat di Malaysia menjadikan

TK berkaitan tumbuhan ubatan, salah satu potensi sumber kekayaan baru negara," katanya.

Menurutnya, ia wajar diterokai dan dibangunkan melalui pendekatan saintifik yang mampu menghasilkan produk komersial serta bakal menjana pendapatan negara dan mewujudkan peluang pekerjaan.

"Rakyat perlu didedahkan dengan konsep TK

dan faedah yang boleh diperolehi melalui pengembangan TK ini," katanya.

Penganjuran PHM 2014 dan Seminar Pemuliharaan dan Pemerksaan Pengetahuan Tradisi oleh FRIM ini akan memberi gambaran yang lebih jelas mengenai kepentingan TK dan industri herba dalam menjana ekonomi negara.

"Inisiatif ini selaras dengan Program Transformasi Negara, di bawah EPP1 dalam usaha meningkatkan kualiti dan pasaran produk berasaskan herba.

"Aktiviti perlu diteruskan selaras dengan hasrat dan aspirasi kerajaan yang mengenal pasti industri herba sebagai sumber pertumbuhan ekonomi negara di bawah bidang ekonomi utama negara (NKEA) dalam program transformasi ekonomi (ETP)," katanya.

FRIM di bawah NRE bersama dengan agensi lain seperti Kementerian Pertanian dan Industri Asas Tani (MOA), Kementerian Sains, Teknologi dan Inovasi (MOSTI), Kementerian Kesihatan (MOH) dan institusi pengajian tinggi akan bersama-sama menjayakan aspirasi ini.

"Permintaan dunia ter-

hadap produk berasaskan herba dijangka meningkat 10.5 peratus pada 2020.

"Jika usaha pelbagai pihak dalam industri herba dapat digembleng, pertumbuhan Pendapatan Negara Kasar (GNI) dapat ditingkatkan RM2.2 billion pada 2020.

Katanya, Kabinet pada 2011 meluluskan penubuhan 'Malaysian Herbal Development Council' yang dipengerusikan MOA untuk menyelaras aktiviti hulu dan hiliran bidang herba.

"Kluster R&D turut diwujudkan di bawah majlis ini untuk memantau dan memberi dana penyelidikan bagi memangkin penemuan baru dalam penghasilan produk berkualiti.

"Terdapat empat kluster di bawah kluster R&D iaitu; 'Discovery, Crop Production & Agronomy; Pre-Clinical Studies; Standardisation; dan Product Development'," katanya.

FRIM juga dilantik mengetuai kluster Discovery dan turut terbabit di dalam penyelidikan bagi kluster, 'Crop Production & Agronomy, Standardisation dan Product Development'.

PHM 2014 akan menyediakan platform kepada pengusaha herba untuk meneroka peluang pasaran di dalam dan luar negara.

"Dijangkakan lebih daripada 70 pengusaha industri herba bakal berkumpul di bawah satu bumbung dengan pelbagai jenis produk," katanya.

|            |                            |             |                     |
|------------|----------------------------|-------------|---------------------|
| Headline   | Maju industri herba negara |             |                     |
| MediaTitle | Harian Metro               |             |                     |
| Date       | 18 Mar 2014                | Color       | Full Color          |
| Section    | Variasi                    | Circulation | 407,786             |
| Page No    | V6                         | Readership  | 3,351,000           |
| Language   | Malay                      | ArticleSize | 793 cm <sup>2</sup> |
| Journalist | Mohd Sabran Md Sani        | AdValue     | RM 29,175           |
| Frequency  | Daily                      | PR Value    | RM 87,525           |



DR Abd Latif (kiri) bersalaman dengan Zol Azhar (tengah) dan Dr Mohd Niz Mohd Yusoff.



**RISALAH** penganjuran Pameran Herba Malaysia 2014.

|            |                            |             |                     |
|------------|----------------------------|-------------|---------------------|
| Headline   | Maju industri herba negara |             |                     |
| MediaTitle | Harian Metro               |             |                     |
| Date       | 18 Mar 2014                | Color       | Full Color          |
| Section    | Variasi                    | Circulation | 407,786             |
| Page No    | V6                         | Readership  | 3,351,000           |
| Language   | Malay                      | ArticleSize | 793 cm <sup>2</sup> |
| Journalist | Mohd Sabran Md Sani        | AdValue     | RM 29,175           |
| Frequency  | Daily                      | PR Value    | RM 87,525           |

